

## S A M Þ Y K K T

23

9. marz

### um stjórn bæjarmála í Neskaupstað.

#### 1. gr.

Bæjarstjórn Neskaupstaðar er skipuð 9 kjörnum bæjarfulltrúum. Þeir taka á bæjarstjórnarfundum ákvarðanir um þau málefni kaupstaðarins, er til bæjarstjórnar koma. Bæjarstjóra er rétt og skylt að sitja fund bæjarstjórnar með málfrelsi og tillögurétti, en ekki á hann þar atkvæðisrétt, nema hann sé jafnframt bæjarfulltrúi.

Í forföllum bæjarfulltrúa og nefndarmanna taka varamenn sæti í bæjarstjórn og nefndum eftir þeim reglum, er þar um gilda.

#### 2. gr.

Allar nefndir innan bæjarstjórnar skulu kosnar hlutfallskosningu, að svo miklu leyti sem við verður komið. Allar nefndir og stjórnir, sem ekki eru kosnar eftir sérstökum lögum, skulu kosnar til eins árs í senn.

#### 3. gr.

Bæjarstjóra er rétt og skylt að sitja fundi fastanefnda. Þetta gildir þó ekki um stjórnir fyrirtækja, sem ekki hera gerðir sínar að jafnaði undir bæjarstjórn og hafa sjálfstætt reikningshald, en heimilt skal bæjarstjóra að sækja slíka fundi og skylt skal honum að mæta, ef þess er óskað af hlutaðeigandi stjórn, stjórnarformanni eða framkvæmdastjóra.

Bæjarstjóri hefur málfrelsi og tillögurétt á nefndarfundum, en ekki atkvæðisrétt, nema hann hafi verið kosinn nefndarmaður.

Allir nefndarfundir eru lögmetir, ef meiri hluti nefndarmanna er mættur.

#### 4. gr.

Fastanefndir bæjarstjórnar eru:

1. Bæjarráð.
2. Hafnarnefnd.
3. Fjallskilanefnd.
4. Rafveitustjórn.
5. Stjórn bæjarútgerðar.
6. Bókasafnsnefnd.
7. Kjörskrárnefnd.
8. Fræðsluráð.
9. Sjúkrahússtjórn.
10. Byggingarnefnd.
11. Framfærslunefnd.

Enn fremur kýs bæjarstjórn samkvæmt sérstökum lögum niðurjöfnunarnefnd, sjúkrasamlagsstjórn, iðnskólanefnd, kjörstjórnir, svo og aðrar nefndir og stjórnir, sem lög og reglur mæla fyrir um að bæjarstjórn skuli kjósa í.

Loks kýs bæjarstjórn til þriggja ára í senn tvo endurskoðendur bæjarreikninga og tvo til vara.

#### 5. gr.

Kjörgengir í fastanefndir bæjarstjórnar eru allir bæjarfulltrúar og, ef um er að ræða menn utan bæjarstjórnar, þeir, sem kjörgengir eru til bæjarstjórnar.

- 23** Starfsmönnum bæjarins er skylt að mæta á nefndarfundum, ef þess er óskað  
 9. marz af viðkomandi nefnd eða nefndarformanni.  
 Eigi má kjósa starfsmenn bæjarins endurskoðendur bæjarreikninga.

6. gr.

Hver einstakur nefndarmaður hefur rétt til að krefjast þess, að fundur sé haldinn í nefndum bæjarstjórnar og er þá formanni viðkomandi nefndar skylt að halda fund eins fljótt og hann telur tiltækilegt.

7. gr.

Kjósa má bæjarstjóra formann þeirra nefnda, sem honum er skylt að sækja fundi í, en ekki á hann þar atkvæðisrétt, nema hann sé kosinn eða sjálfkjörinn nefndarmaður.

Bæjarstjórn getur kosið sérstakar nefndir til að fjalla um einstök mál, eða falið fulltrúa eða bæjarstjóra rannsókn máls eða framkvæmd.

8. gr.

Bæjarstjórn ræður alla fasta starfsmenn bæjarins og veitir þeim lausn, nema hún feli einstökum nefndum það með samþykkt eða reglugerðum, eða heimili einstökum starfsmönnum að ráða sér aðstoðarmenn.

9. gr.

Bæjarstjóri og aðrir, sem með reikningshald bæjarstofnana hafa að gera, skulu hafa lokið við að semja reikninga næstliðins árs fyrir lok marzmánaðar og fyrir lok maímánaðar skulu endurskoðendur hafa lokið endurskoðun þeirra.

Athugasemdum endurskoðenda skal svarað innan hálfis mánaðar.

Reikningana skal síðan prenta.

10. gr.

Bæjarráð er skipað 3 bæjarfulltrúum og 3 til vara, kosnum til eins árs í senn. Heimilt er bæjarstjórn með einfaldri samþykkt að fjölga bæjarráðsmönnum í 5 og skulu þá kosnir jafnmargir varamenn.

Varamenn í bæjarráð má kjósa úr hópi varabæjarfulltrúa.

Bæjarráð skal halda reglulega fundi aðra hverja viku og aukafundi þegar bæjarstjóra eða formann bæjarráðs þykir nauðsyn til bera.

Bæjarráð kys sér formann og ritara.

Bæjarráði er heimill aðgangur að öllum skjölum og bókum bæjarins.

Bæjarráð hefur með höndum eftirtalin málefni bæjarins og tekur um þau ákvarðanir, sem jafnframt eru tillögur til bæjarstjórnar og þurfa að öðlast samþykki hennar svo gildir séu, en þó getur bæjarstjórn falið bæjarráði fullnaðarafgreiðslu einstakra mála.

- A. Fjárstjórn. Til þess heyrir stjórn og umsjón með fjárhag bæjarins. undirbúningur fjárhagsáætlunar, ákvörðun um bókhaldsfyrirkomulag og eftirlit með bókhaldi bæjarins og innheimtu gjalda.
- B. Fasteignamál. Bæjarráð hefur umsjón með fasteignum bæjarins, sér um viðhald þeirra og ráðstafar þeim.
- C. Bæjarráð hefur á hendi stjórn elliheimilis og barnaheimilis, nema bæjarstjórn kjósi að fela sjúkrahússtjórn stjórn elliheimilisins.
- D. Brunamál. Bæjarráð sér um framkvæmd á öllum brunamálum kaupstaðarins samkvæmt lögum og reglum. Þegar bæjarráð fjallar um brunamál, skal slökkviliðsstjóra skylt að sækja fundi þess.

- E. Skipulagsmál. Bæjarráð fer með skipulagsmál kaupstaðarins, sér um að skipulagsuppdrættir séu gerðir, gerir tillögur um götuheiti o. s. frv. **23**
- F. Vegamál. Bæjarráð hefur á hendi umsjón með vegamálum kaupstaðarins, annast viðhald gatna og holræsa og sér um vegagerð og holræsalagnir. Það hefur og á hendi umsjón með rekstri vinnuvéla bæjarins. **9. marz**
- G. Vatnsveitumál. Bæjarráð fer með vatnsveitumál, hefur eftirlit og umsjón með rekstri vatnsveitunnar, sér um viðhald vatnsveitukerfis og gerir tillögur um breytingar og aukningu þess.
- H. Sundlaugarmál. Bæjarráð skal annast allt, sem lýtur að rekstri sundlaugar bæjarins, þar á meðal viðhald hennar, og gerir tillögur um ráðningu forstjóra og annars starfsfólks. Skylt er sundlaugarstjóra að sækja fundi bæjarráðs, þegar fjallað er um málefni sundlaugarinnar.
- I. Skróðgarðar. Bæjarráð skal hafa á hendi umsjón með hirðingu skróðgarðs bæjarins og gera tillögur um nýjar framkvæmdir í þess háttar ræktunarmálum.
- J. Önnur mál. Öll önnur mál, sem ekki eru falin sérstökum nefndum í samþykkt þessari, eða með sérstakri samþykkt bæjarstjórnar, skulu heyra undir bæjarráð. Auk þess getur bæjarstjórn vísað til bæjarráðs þeim málum, sem henni sýnist, þó þau heyri ekki sérstaklega undir það samkvæmt framansögðu.

## 11. gr.

Hafnarnefnd skal skipuð 5 mönnum, 3 bæjarfulltrúum og tveim utan bæjarstjórnar, kosnum til eins árs í senn, og skulu kosnir varamenn fyrir þá, sem ekki eru bæjarfulltrúar. Hafnarnefnd hefur á hendi alla framkvæmd hafnarmála samkvæmt hafnarreglugerð kaupstaðarins, þar á meðal eftirlit með eignum hafnarinnar.

## 12. gr.

Fjallskilanefnd skal skipuð 3 mönnum, kosnum til eins árs í senn. Annast hún allt, sem að fjallskilum lýtur, þar á meðal refaveiðar, fjárböðun og fjárkláðaeftirlit.

## 13. gr.

Kjörskrárnefnd skal skipuð 3 mönnum, kosnum til eins árs í senn. Hún skal semja kjörskrár eftir fyrirmælum kosningalaga.

## 14. gr.

Rafveitustjórn skal skipuð 3 bæjarfulltrúum, kosnum til eins árs í senn. Hún annast rekstur rafmagnsveitu kaupstaðarins og yfirstjórn á fjárreiðum hennar. Rafveitustjórn skal undirbúa fjárhagsáætlun rafveitu í tæka tíð og hafa eftirlit með innheimtu tekna hennar. Hún gerir tillögur til bæjarstjórnar um breytingu á gjaldskrá rafveitunnar, þegar þurfa þykir. Skylt er rafveitustjóra að sækja fundi rafveitustjórnar með málfrelsi og tillögurétti.

## 15. gr.

Stjórn bæjarútgerðar skal skipuð 4 mönnum og 4 varamönnum, kosnum til eins árs í senn.

Bæjarútgerðarstjórn annast allt, sem lýtur að stjórn bæjarútgerðarinnar og tekur ákvarðanir þar að lútandi. Framkvæmdastjóra bæjarútgerðarinnar skal skytt að mæta á fundum stjórnarinnar með málfrelsi og tillögurétti.

## 16. gr.

Bókasafnsnefnd skal skipuð 3 mönnum og 3 til vara, kosnum til eins árs í senn. Hún sér um rekstur bókasafns bæjarins, gerir tillögur um ráðningu bóka- varðar, annast bóka kaup og sér um hirðingu safnsins.

23

9. marz

Fræðsluráð skal skipað 5 mönnum og 5 til vara, kosnum til fjögurra ára í senn. Það starfar samkvæmt fyrirmælum fræðslulaga.

17. gr.

18. gr.

Sjúkrahússtjórn skal skipuð 3 mönnum og 3 til vara, kosnum til eins árs í senn. Hún sér um allt, sem lýtur að rekstri sjúkrahúss kaupstaðarins. Forstjóri sjúkrahússins skal sækja fundi stjórnarinnar og sómuleiðis yfirlæknir, þegar hann er til þess kvaddur, báðir með málfrelsi og tillögurétti.

19. gr.

Byggingarnefnd er skipuð 5 mönnum. Bæjarstjóri er sjálfkjörinn í nefndina og formaður hennar. Tvo nefndarmenn kýs bæjarstjórn úr sinum hópi til eins árs í senn og tvo utan bæjarstjórnar og skulu kosnir varamenn fyrir þá.

Byggingarnefnd annast byggingarmálefni bæjarins samkvæmt fyrirmælum laga og samþykktu um þau mál. Byggingarfulltrúa er skylt að sitja fundi byggingarnefndar með málfrelsi og tillögurétti.

20. gr.

Framfærslunefnd er skipuð 5 mönnum og 5 til vara, kosnum til eins árs í senn. Um störf nefndarinnar fer eftir framfærslulögum. Bæjarstjóri er framfærslufulltrúi.

21. gr.

Bæjarstjóri annast framkvæmdir á ákvörðunum bæjarstjórnar og nefnda, sem ráða málum til úrslita, nema þær séu öðrum faldar. Hann veitir forstöðu fjármálum bæjarins, hefur á hendi umsjón með innheimtu bæjartekna og mælir fyrir um greiðslur úr bæjarsjóði og hafnarsjóði. Hann hefur og á hendi umsjón með sérstökum sjóðum í vörzlu bæjarins. Hann annast bréfagerðir bæjarstjórnar og nefnda og hefur eftirlit með starfsmönnum bæjarins og störfum þeirra. Hann sér um að gerðir séu reikningar bæjarins og hefur á hendi umsjón með stjórn bæjargjaldkera á bæjarsjóði.

22. gr.

Bæjargjaldkeri er jafnframt fulltrúi bæjarstjóra og annast daglega afgreiðslu fyrir hans hönd, eftir því sem honum er það falið. Í forföllum bæjarstjóra gegnir bæjargjaldkeri störfum hans, nema þau séu öðrum falin.

23. gr.

Eigi má breyta samþykkt þessari, nema að undangengnum tveim umræðum í bæjarstjórn og að fenginni staðfestingu ráðherra.

Samþykkt þessi, sem bæjarstjórn Neskaupstaðar hefur gert samkvæmt lögum nr. 48 7. maí 1928, er hér með staðfest til þess að öðlast gildi þegar í stað.

Jafnframt er úr gildi numin samþykkt nr. 43 16. apríl 1929, um stjórn bæjarmála í Neskaupstað.

*Félagsmálaráðuneytið, 9. marz 1956.*

**Steingrímur Steinþórsson.**

*Hjálmar Vilhjálmsson.*